

莆陽文獻

一

〔明〕鄭岳輯

莆陽文獻

十三卷

列傳七十五卷

操宏博明徹之詞在
在得師即千古英躔
六經芳潤恍然時覩
面焉五十年來所欲
尋繹而不能致者一

有陽文獻序

三

旦重邁譬隋珠和璧
離而復合于霄照乘
神采煥然其欣快何
如盖山川靈氣發洩
於人文者積數百年

得司馬而其盛始傳
奇書秘寶神物護持
又越數十年得給諫
而其傳始久鄭黃家
學淵源最號長遠梁

有陽文獻序

四

陳間讀書於衆人未
讀書之時者南湖鄭
恩叟先生也唐貞元
間吾鄉已有舉進士
者乃若文章名家為

莆初祖則御史黃文
江先生也編錄者司
馬則鄭先生後重興
者給諫則黃先生後
摠之克繩顯祖章往
昭來有功於維世均
也觀人者於其所發
而所存可知予貢曰
進賢賢哉予亦曰錄
賢賢哉山齋公直氣

勁節

天子嘉之曰貞臣林貞
肅公以元老而亟推
重其品可想也兩石
慷慨有大志嘗請于

莆陽文獻序

朝復革除統紀謚仗節
諸臣真可以扶植名
教林居嗜學戶外事
若浼惓惓先哲表章
文獻與昔日疏彭惠

安公改謚蓋不勝高山仰止思矣今

天子父道化成莆縉紳聯翩蔚起道德勲業當有不媿前修者文

章抑其餘耳予耄年自揣謏陋久荒筆研特嘉兩石是舉僭掇數言并以伸吾黨興復之志云

萬曆四十四年歲次丙辰孟秋朔旦鳳山九十一樵人原湖侯清書



莆陽文獻序

莆文物起於隋興於唐而尤盛於宋海濱郡魯至今焉而紀述遺缺紹熙時始有軍志洪武時始有事述郡志弘治時也文獻之儲尚缺千百年光燭之氣藁鍾于元人者爲道德爲節槩爲勲烈文章爲四儒道學以茂贊皇猷輝發聖蘊如景星卿雲轉騰而消滅以盡其不深可慨與然有甚難者夫記誦弗博則搜校漏遺升落無章亦準量決擇有所未至重以衆愛惡其間與欲借隻詞而不遂者則呿聲曉曉而旋三告故退之不作史子瞻病文選無法而文鑑去取亦未憚於晦翁事述郡志同撰自相訾訾文獻之筆其未易操也乃以累吾鄭公山齋取立齋手錄恭以諸家遺文并述志而類萃之人取其尤事取其善詩文取其純整無畔道后峰間商校必東士遠間刪削焉閱數歲始克就編屬余爲序余未見成書要自公出賢者也三君子又賢者也書固足信矣第不知有信隻詞不遂否乎呿聲之屬其不謂終無也道也者求諸我爾矣盡不盡吾知之信不信又胡從而知之同馬遷史記雄向稱良史才子由兄弟僇疎落病馬抑無害遷也纂輯定監戒昭爲莆立赤幟今之視宋猶

宋人之視唐人也人文之盛有大書特書不一書者矣

嘉靖甲申十月既望見素林俊書于雲庄青野



蒲陽文獻後序

莆之地始闢于秦至漢武帝以其阻險易變也盡徙其民而墟之晉亂中原末寇避地而南於是有所謂八姓入莆者自後徙居日益衆休養衍庶遂爲上國倡之歷唐而宋遂有海濱鄒魯之稱浸淫至於今日盛亦極矣歷代既久遺文散落顧未有蒐掇而會粹之用備一郡之典豈非大缺事歟鄉望見素林公松蘿方公暨后峰伯固嘗相與閔惜因授沒於予俾從焉眇焉謏陋大懼弗任爰考郡乘所列諸家著述

甚多求之今惟忠惠文軒後村三四遺集在其散見
文粹文鑑諸書者僅數篇雖當代近裔亦或併其先
世手澤而亡之可嘆也已立齋宋公嘗手錄先輩遺
文六冊得以爲據若藏處所編岡鳳集則又病其太
濫於是更加延訪採擇閱數歲始克成編凡詩賦銘
贊序記題跋若雜著奏議之類列爲若干卷庶幾其
可傳者旣又仰而嘆曰文以載道也文不本於道藝
焉爾矣而深於道者固不屑於文也文可獨傳乎哉
迺復取郡乘所載人物事蹟略加芟潤且爲補遺叅
用班馬氏義例類編爲傳若勲德若文學若忠孝廉

惠之類列爲若干卷其家庭之濟美師友之淵源或寒畯而特起班班可致以是而參校夫文上下數百年間山川宇宙之精英庶於是乎具噫亦盛矣曾穆叔謂太上立德其次立功其次立言後世所就要不能如古然擅其一長亦足名世而垂之不朽况兼之乎鄉邦前哲後進軌範有志尚友者不於是而求之將不謂東家丘者類歟或曰子之輯是其用心亦動矣若倚櫛星宿而遺義娥得燕石輒以爲璞又寧不爲是軫病歟子曰唯唯是謏陋之罪也然失今不錄其後益至於貳威無傳矣輯之弗善固猶愈於已乎

若夫因略致詳由粗致精搜補缺漏而正其訛謬使吾邦文獻永永足徵固將有待於後之君子

嘉靖四年歲在乙酉夏四月朔鄉晚學山齊鄭岳謹書



美丑
徒立

重刻莆陽文獻後序

夫自文獻名立而郡國皆藉以爲重自三不朽說起而文獻又以次第分馬班列傳若天人治安諫獵長楊皆因人附文豈當時重

莆陽文獻後序

在廣川雒陽而文采歲徒即當盧校閣亦不以其故廢傳也迨後漢於列傳之外別加文苑南齊又易以文學然文苑則以狂疾禰正平與至孝黃文彊并稱

惟傳其事不錄其文而文學則游夏所得與於聖統者亦令飲酒不羈之靈鞠放誕任氣之檀超厠名其間獻乎文乎合則爲馬班分則爲後漢南齊互有得

莆陽文獻後序

失甚哉文獻之名重而文獻之實未易覈也吾鄉鄭司馬山齋公輯郡內梁陳至今著作凡十三卷又取名公事蹟爲列傳七十四卷名曰莆陽文獻公清

嚴雅望謇諤孤忠冠冕朝
紳羽儀世道而是書尤其
所自任爲鄉邦折衷者蒐
采鑑衡殫心極慮商訂三
氏數歲始成列傳侯之馬
班而文非合標文殊於後

書序之末後序

漢而傳非分其有玄珠久
沉於赤水五色尚存於丹
穴則或論世而闕其文或
因文而紀其名議論義例
較之前史且什伯蓋已陋
長卿子雲更何有正平而

下乎真可謂一郡大觀千
年勝事矣然而龍所欲起
公於九原而與之相質正
者則以翁諫議錯趾梁庭
徐著作脩潤道史林侍講
梯榮策答皆宋立齋公所

書序之末後序

責備侍御楊朝重林貴實
二公風采凜然則彭惠安
公所心折者并不載其諫
草而林只附傳林克全侍
御故尤難解林艾軒黃四
如二先生以經學知名林

易解尚書語錄雖云煨燼
然其說詩論語猶見於趙
子直宋去華李泉州簡牘
黃四書六經講章炯然日
星郭孝子祠記墓表尤禪
風教胡均未得表章豈公

有易之說矣乎

於林之去取別自有見而
於黃未覩其集與大抵是
書銓次有方琳瑯會粹惟
翼經之作猶缺疏議不能
無漏若增以林黃窮理楊
林奏事諸篇今鄉邦得覩

續聖正脉經

國讜謨質諸古立言之旨庶
幾不朽公如可作也且然
龍言乎哉嗟夫人材難得
千里比肩比屋可封元愷
爲倡莆獻彬彬流光史冊
則南湖講學實濬其源後
進聞風久而彌奮道德勲
烈節槩至宋益盛我
朝教化翔洽諸名公項背相
望不但以文章頡頏宇內
故其時風俗學宗經官賀

貧冠三加昏擇耦喪闢佛
祭用飭酒尚玄服疏布士
大夫躬行於上庶人則效
於下地不大曹滕俗已幾
鄒魯昔人所稱諒非溢美
自

國初百五十年則鄭山齋公
脩文獻時矣再五十年則
柯希齋公續文獻時矣再
四十餘年則今日矣文明
蔚起紳珮聯翩時勢漸趨
河流東注撫今追昔同有

維風之責者安得不爲是
廩廩故論文獻雖不敢妄
意夸父之逐日論風俗亦
未必爲杞人之憂天矣是
書遭嘉靖壬戌兵燹僅存
一部龍思歷代人文之盛

懼鄭公手澤之湮遂付剞
劂以廣其傳因述所聞
國初風俗以埃夫好古挽回
之君子謹叙

萬曆四十四年歲次丙辰
孟秋下澣鄉後學黃起龍

書于印水之恬養軒



蒲陽文獻
後序

莆陽文獻凡例

一文獻獨名莆陽者本莆口之地古名莆中舉莆則仙遊興化二縣可兼之矣

一採輯詩文以年代為先後作者姓名各列本題之下有傳者則曰見本傳或附見某傳無傳者則詳其字號爵里

一詩文散在翰墨全書等書及各家譜牒者尚多製作未工亦不盡錄此錄嘗經黃后峰朱必東陳士遠三君子商確去留期以垂遠

一歐陽四門本泉州人讀書于莆子孫遂為莆人

今泉州已梓行其文此不復入

一人物列傳府志各分門類今用班馬例取其大槩相類者合為一傳或各為一傳

一仙遊興化人物各自為傳傳首必書某縣人其不書者皆莆人也

一府志人物或父子兄弟散見各門今系而書之亦史家法也

一府志人物各有論斷今不暇錄觀者自當參考一府志之脩距今二十餘年矣賢哲繼謝尚未及

載今作補遺九十六傳

重校文獻紀略

是書字多亥豕板漫劫灰既授重校爰加勘訂如
鄭昇之孫可復林大有之子甯龍傳作鄭孫林雷
此訛之大者業已改正林誠附林正傳失於標目
亦已增補餘悉仍舊惟附刻

鄭山齋公傳此係

柯希齋公特筆公沉諸卓識不輕許人者讀斯傳亦
可論鄭公之世已

萬曆丙辰孟秋東里黃起龍謹識

莆陽文獻目錄

卷之一

賦二首

卷之二

五言古詩二十八首

卷之三

七言古詩二十六首

卷之四

五言律詩五十一首

卷之五

七言律詩七十三首

卷之六

五言絕句五首

七言絕句二十首

卷之七

銘二篇

箴五篇

贊一篇

雜著三篇

說四篇

傳一篇

題跋十五篇

論辯三篇

祭文六篇

卷之八

書啓十二篇

卷之九

序文二十首

卷之十

序文四十八首

卷十一

記十五首

卷十二

記二十四首

卷十三

奏議三十篇

林